

# Հենց ճիշտ չափսի

Թրինան չէր սիրում  
տարբերվել մյուսներից:

Ռիչարդ Մ. Ռոմնի  
Եկեղեցու ամսագրեր  
(Հիմնված է իրական պատմության վրա)

«Դու այնքան պստիկ ես», - ասաց Մաշան: «Մենք պետք է ասենք քեզ պստիկ Թրինա»:

Թրինան փորձեց ժպտալ: Դպրոցում մյուս երեխաները շատ էին ծաղրում նրան փոքրակազմ լինելու համար: Նա փոքրիկ էր ծնվել և այնքան արագ չէր մեծացել, որքան մյուս երեխաները: Բայց նա չէր սիրում պստիկ Թրինա անունը: Նա չէր սիրում տարբերվել մյուսներից:

«Դու այնքան փոքր ես, որ գուցե երբեք չմեծանաս», - ասաց Մաքսը, երբ նրանք դուրս եկան դասամիջոցի:

«Գիտեմ, որ ես փոքրակազմ եմ», - ասաց Թրինան: «Բայց ես ոչինչ չեմ կարող անել դրա հետ: Եկեք գնանք խաղալու»:

Թրինան վազեց Ֆուտբոլ խաղալու մյուս երեխաների հետ: Նրանք հարվածում էին գնդակին և հետ ու առաջ տանում: Նրանք բոլորով միասին զվարճանում էին:

Բայց շուտով Թրինան իսկապես հոգնեց: Նա դանդաղ հեռացավ խաղից և նստեց խոտի վրա:

Շուտով նրա ընկերուհին՝ Ջոզին մոտեցավ նրան: Ջոզին ևս Երեխաների միության նրա խմբում էր եկեղեցում:

«Լավ ես», - հարցրեց Ջոզին:

«Այո», - ասաց Թրինան: «Ես ուղղակի պիտի հանգստանամ: Թոքերս հոգնում են, երբ շատ եմ վազում: Դրանք

շատ ուժեղ չեն»:

Ջոզին նստեց Թրինայի կողքին: Նրանք խոտ էին քաղում և փոքրիկ մատանիներ ու ապարանջաններ սարքում: Նրանք խոսում էին դպրոցի, ընկերների ու տնային աշխատանքի մասին:

«Ես լսեցի, թե ինչ ասաց Մաշան», - ասաց Ջոզին: «Ցավում եմ, որ նա քեզ կոչեց պստիկ Թրինա»:

Թրինան ուղղակի գլխով արեց:

«Բայց կարծում եմ, որ դու հենց ճիշտ չափսի ես», - ասաց Ջոզին:

Թրինան ժպտաց: Նա Ջոզին տվեց խոտից սարքած իր ապարանջանը:

Հաջորդ կիրակի Թրինան պատրաստվում էր եկեղեցու համար: Նա հազավ իր զգեստը և սանրեց մազերը: Հետո նա խոժոռվեց՝ նայելով պահարանում դրված իր փոքրիկ կոշիկներին: Նա համոզված էր, որ ուրիշ ոչ ոք Երեխաների միության իր խմբում այդպիսի փոքրիկ կոշիկներ չէր հագնում:

Թրինան քարշ էր տալիս ոտքերը, երբ քայլում էր եկեղեցու միջանցքով: Երբ նա հասավ Երեխաների միության իր դասարանը, Ջոզին նրան էր սպասում դրսում:

«Մենք անակնկալ ունենք քեզ համար», - ասաց Ջոզին: «Արի տե՛ս»:

Երբ Թրինան դասասենյակ մտավ, երեխաները և իրենց ուսուցիչը՝ Քույր Բոթը մատնացույց էին անում վառ զարդարված գրատախտակը: Դրա վրա ամբողջովին սրտեր էին փակցված: Սրտերի վրա գրառումներ կային, որոնք ասում էին, - «Թրինան լայն ժպիտ ունի: Թրինան մեծ սիրտ ունի»:

«Հավան՞ում ես», - հարցրեց Ջոզին: «Քույր Բոթն օգնեց մեզ պատրաստել դա»:

«Ինձ դո՞ւր է գալիս», - ասաց Թրինան: «Շնորհակալություն»:

«Մենք ցանկանում էինք հիշեցնել քեզ մի մեծ ճշմարտության մասին», - ասաց Քույր Բոթը: Երկնային Հայրը սիրում է մեզանից յուրաքանչյուրին: Կարճահասակ: Բարձրահասակ: Խոշորակազմ: Փոքրակազմ: Դա նշանակություն չունի Նրա համար: Մենք բոլորս Նրա զավակներն ենք, և Նա սիրում է մեզանից յուրաքանչյուրին:

Թրինան նայեց գրատախտակի սրտիկներին և լայն ժպտաց: ●

Այս պատմությունը տնդի է ունեցել UFL-ում:

ԼԱՄԵՆՆԻՍ

